

Injil untuak anak-anak hadiah

Samuel,
Anak Tuhan
- Pelayan



Ditulih oleh: Edward Hughes

Diilustrasikan oleh: Janie Forest
Alastair Paterson

Diadaptasi oleh: Lyn Doerksen

Diterjemahkan oleh: Yulia Anggraini


Diproduksi oleh: Bible for Children
www.M1914.org

©2023 Bible for Children, Inc.

Lisensi: awak punyo hak manyalin atau mancetak carito iko,
salamo awak indak manjual nyo.



Hanna adolah surang wanita yang elok, inyo manikah jo Elkana, surang laki-laki yang elok. Mereka baduo mamuji Tuhan dan mancaliakan kabaiakan ka urang-urang lain. Tapi ado sesuatu yang kurang dalam



iduik Hanna. Inyo mainginan surang bayi. Oh! Sungguah inyo sangaik mainginan bayi itu. Inyo manunggu dan badoa dan baarok dan manunggu labiah lamo. Indak ado bayi yang lahia.





Satiok tahun, Hanna pai untuak badoa di Rumah Tuhan, Satahun inyo mambuek janji ka Tuhan kalau Tuhan mambarian surang anak ka inyo, Inyo akan mambarian anak itu sebagai pelayan Tuhan salamonyo.



Imam Eli yang alah
tuo mancaliak Hanna
badoa. Inyo bapikia
Hanna mabuak oleh
anggur karna bibianya
manggarik tapi indak
ado suaro ymag
tadanga. Eli
mamberangi
Hanna!







Tapi Hanna bakato
ka Eli tantang
doanyo maminta
surang anak dan
janjinyo ka Tuhan.
"Pailah dengan
salamai," Eli
manjawek. "Dan
Allah Israel akan
mambarian apo
yang kau minta
dariNyo." Kato-
kato Eli mambarian
harapan
ka Hanna.



Dengan capek sukacita mamamuahi hati Hanna.
"Tuhan ingek ka inyo," dan manjawek doanyo. Inyo
dan Elkana mampunyo surang bayi laki-laki yang
diagiah namo Samuel (Yang bararti "Didanga Allah")
Tapi akankah Hanna ingek ka Tuhan dan janjinyo ka
Tuhan?





Hanna baranti datang karumah Tuhan bantuak yang biaso dikarajoannnyo satiok tahun. Oh sayang! Apo inyo malupoan janjinyo ka Tuhan? Indak, Hanna manunggu sampai Samuel cukuik gadang untuak tingga di Rumah Tuhan dan manolong Eli dalam malayani Tuhan. Sasudah itu inyo mambawo Samuel ka Rumah Tuhan.





Tuhan maaragoi iman
Hanna yang sangiak
gadang. Sasudah
Samuel. Tuhan
mambarian lai ka
Hanna tigo urang
anak laki-laki dan duo
urang anak padusi.
Satiok tahun Hanna
pai ka rumah Tuhan
untuak mamuji Tuhan
dan untuak
mambawoan jubah
baru yang dibueknyo
surang untuak
Samuel.





Samuel bukan hanyo satu-satuno pambantu Eli. Anak-anak Eli, Hofni dan Pineas. Karajo disitu pulo. Tapi urang-urang itu indak manghormati Tuhan dengan mangarajoan hal-hal yang jaek, indak ka barubah walaupun Eli mamintanyo. Eli seharusnya mamecat urang-urang itu dari karajo mereka di Rumah Tuhan.





Suatu malam, Samuel mandanga satu suaro mamanggihanyo, anak laki-laki itu bapikia kalau Eli mamanggihanyo? "Ya, bapa," Samuel manjawek. "Aku indak mamanggia," Eli manjawek. Keadaan itu tajadi sampai tigo kali. Sasudah itu Eli tau kalau Tuhan ingin mangecek ka Samuel.







Eli bakato ka Samuel, "Apobilo inyo mamanggia engkau, katoan: mangeceklah TUHAN, sabab hambaMU iko mandanga," Dan Tuhan mamanggia baliak, dan mambarian satu pasan penting ka Samuel.




Pagi harinyo Eli mamanggia Samuel. "Apo yang disampaikanNyo kepadamu?" Inyo batanyo. Samuel mudo mangatoan sadonyo ka imam Eli. Iko adolah pasan yang sangaik manakuikan, Tuhan akan maancuaan sado keluarga Eli sabab Hofni dan Pineas sangaik jaek.




Peringatan Tuhan manjadi kenyataan. Salamo paparangan jo urang-urang Filistin, duo urang anak Eli yang jaek mamimpin dengan mambawo Tabuik Tuhan dimuko tantara Israel. Musuah marabuik Tabuik Tuhan dan mambunuah Hofni jo Pineas basamo jo urang-urang Israel. Katiko Eli mandanga hal iko, inyo jatuah dari tampek duduaknyo, liianyo patah dan inyo mati pado ari yang samo jo kamatian anaknyo.



Tabuik Tuhan mambawo banyak kesulitan bagi urang Filistin. Urang-urang itu malatakannyo di Kuil Dagon, allah palsu urang-urang itu. Pagi harinyo, patuang Dagon jatuh dengan mukonyo katanah. Urang-urang Filistin maangkek baliak patuang itu, tapi bisuak harinyo patuang itu jatuh baliak. Kali iko Dagon jatuh bakapiang-kapiang.



Panyakik dan
kamtian
taseba



diantaro urang-urang Filistin.
Untuak mancaliak apo batua
Tuhan mahukum mereka,
urang-urang Filistin maambiak
duo lembu manyusui
dipasangnyo pado kereta.
Urang-urang itu malatakan
Tabuik Tuhan diatehnyo.
"Apobilo lembu itu manuju
ka Israel, dan maninggaan
anak-anak mereka, kito
akan tau Tuhan yang
mangarajoan sadonyo," urang-
urang itu bakato. Dan lembu-
lembu itu barangkek.





Kini Samuel, tumbuah
manjadi surang laki-laki
dewasa, inyo mangecek
ka sado urang Israel.
"Kalau kau babaliak ka
Tuhan jo saganok hati,
... mako inyo akan
malapehan kau dari
tangan urang Filistin,"
Urang israel manaati
nabi Tuhan yang panuah
iman. Dan tangan Tuhan
malawan urang Filistin
salamo Samuel iduik.



Samuel, Anak Tuhan - Pelayan

Sabuah carito dari firman tuhan, Injil

Didapekan di

1 Samuel 1-7

"Jalan masuak firman-firmanNyo mambarikan
cahayo." Mazmur 119:130



Tamat



Injil bacarito kapado kito tentang Tuhan kito nan sangaik hebat, nan manciptakan kito, dan Baliau andak awak mangenal-Nyo.

Tuhan tau kito mangarajokan nan indak elok, nan Beliau katoan doso. Hukuman babuek doso iolah mati, tapi Tuhan sangaiklah cinto kapado awak, Baliau mautuih anak semato wayang-Nyo, Yesus, untuak mati disalib dan dihukum ateh dosonyo surang. Sasudah itu Yesus iduik baliak, dan babaliak ka rumah, di sarugo! Apobilo awak picayo kapado Yesus, dan maminto-Nyo untuak mamaafkan doso-doso awak, Baliau andak mambueknyo! Baliau andak tibo dan iduik di dalam diri awak surang, dan awak andak iduik basamo-Nyo salamonyo.

Jiko awak picayo bahwo iko iolah sabuah kebenaran, kecekan iko kapado Tuhan: Ya Yesus, Ambo picayo bahwo Engkau iolah Tuhan, dan manjadi saurang manusia nan mati untuak doso awak, dan kini Engkau iduik baliak. Ambo mohon tibo ka dalom iduik awak dan maafkan doso-doso awak, sahinggo ambo mandapek kahidupan nan baru, dan suatu hari isuak bisa basamo-Nyo salamonyo. Tolong ambo untuak mamatuhi Engkau dan iduik untuak Engkau sabagai anak Engkau. Amin.

Baca Injil dan berbicara dengan Tuhan setiap hari! John 3:16

